



Press Clippings

Oriental Daily News

18th January 2010

政情 A18

Related information: http://www.wahyanonefamily.org/m_runners2010.html

Wah Yan One Family Foundation Website: www.wahyanonefamily.org



曾浩輝(中)昨表示,希望可與母校華仁書院的舊生和在校生,一起出戰下月底的渣打馬拉松賽事。

曾浩輝做馬拉松 反面教材

衛生防護中心總監曾浩輝過去大半年帶領港人對付豬流感呢場馬拉松戰役可謂不遺餘力,但原來佢跑真正嘅馬拉松比賽就非常水皮。佢雖然咁忙,但對母校九龍華仁書院依然好有心,尋日晨咁早就一身運動look返咗去母校,出席由舊生組織嘅「華仁一家基金會」搞嘅馬拉松特訓,仲同啲舊生及在校生分享咗佢曾經參加馬拉松比賽嘅搞笑經驗。

着新鞋跑到腳痛

曾醫生話,佢呢世人只係跑過兩次馬拉松,第一次係讀中六嗰陣,佢個社長慫恿佢參加,因為不論輸贏都會幫個社攞到分,志在參與,比賽過程都係行下跑下,終於以倒數十名衝線,幫個社攞到寶貴嘅一分。佢嘅第二次,係係美國讀書嗰陣為咗睇巡遊,先參加嘅十公里馬拉松賽,佢當時特登買咗對新跑鞋去比賽,點知跑完之後對腳痛到飛起,搞到返唔到學請咗兩日假。

佢尋日用自己嘅慘痛經驗提醒其他華仁仔,千祈唔好着新跑鞋跑馬拉松,佢話希望可以同大家一齊跑下個月底嘅渣打馬拉松比賽嘞。



曾浩輝提醒大家,切勿着新鞋跑馬拉松。(資料圖片)



Press Clippings

The Sun

18th January 2010

政情 A16

Related information: http://www.wahyanonefamily.org/m_runners2010.html

Wah Yan One Family Foundation Website: www.wahyanonefamily.org



◆ 曾浩輝表示希望可以同母校華仁書院
嘅舊生同依家嘅學生，一齊出戰下月底
嘅渣打馬拉松。

曾浩輝新鞋跑馬拉松捉蟲

喺過去大半年，衛生防護中心總監曾浩輝帶領港人對付豬流感呢場馬拉松戰役，但原來佢跑真正嘅馬拉松比賽就非常水皮。雖然佢咁忙，但尋日晨咁早就一身運動look返咗母校華仁書院，出席由舊生組織搞嘅「華仁一家基金會」馬拉松特訓，仲同啲舊生同學弟分享佢參加馬拉松比賽嘅搞笑經驗添。

曾醫生話呢世人只係跑過兩次馬拉松，第一次喺讀中六嗰陣，係社長慫恿佢參加，因為不論輸贏都會幫個社攞到分，志在參與，比賽過程都係行吓跑吓，終於以倒數第十名衝線，幫個社攞到寶貴嘅一分。第二次係喺美國讀書嗰陣，佢為咗睇巡遊，於是先參加十公里馬拉松賽，佢當時特登買咗對新跑鞋去比賽，點知跑完後對腳痛到飛起，搞到返唔到學請咗兩日假。

佢用自己嘅慘痛經驗提醒其他華仁仔，千祈唔好着新跑鞋跑馬拉松，仲話希望可以同大家一齊跑下個月底嘅渣打馬拉松比賽嘞。